





第一一六五冊

四庫全書

●上海古籍出版社

本冊目次

蓮	石	客	自	南
峯	屏	亭	鳴	澗
集	詩	類	集	甲
	卷首：東皋子詩	稿		乙
				稿

宋史堯弼撰……………	宋韓元吉撰……………
六六一	一
宋戴敏撰……………	宋章甫撰……………
五四九	三七九
宋戴復古撰……………	宋楊冠卿撰……………
五四九	四二七

欽定四庫全書

集部

南澗甲乙稿卷一五

欽定四庫全書

集部四

南澗甲乙稿

別集類三 宋

提要

臣等謹案南澗甲乙稿二十二卷宋韓元吉

撰元吉字无咎開封雍邱人南渡後流寓信

州之上饒集中自署曰潁川不忘本也元吉

宋史無傳陳振孫書錄解題稱為門下侍郎

韓維元孫江西通志則以為韓維之子攷宋

欽定四庫全書

南澗甲乙稿
提要

史維本傳卒于元符元年而集中繫辭解序

云淳熙戊戌年既六十有一則元吉生時自

在徽宗重和元年上距元符元年戊寅凡二

十年安得為維之子集中又有高祖宮師文

編序稱紹聖中公謫均州又稱建中靖國以

來追復原官與維事蹟一一相合知江西通

志為誤當以陳氏為是矣陳氏又稱其初與

從兄元龍皆試詞科不利後官至吏部尚書

詳校官庶吉士 臣 范逢恩

主事 臣 呂雲棟覆勘

總校官進士 臣 程嘉謨

校對官編修 臣 吳舒帷

謄錄監生 臣 金際會

欽定四庫全書

南澗中乙稿
後集

二

而不詳其事蹟今據其赴信幕詩知初為幕僚據其送達必達序知嘗知建安縣據其謝表狀劉知在外嘗為江東轉運判官兩知婺州又知建寧府在內嘗權中書舍人守大理寺少卿為龍圖閣學士為待制為吏部侍郎中間一使金國兩提舉太平興國宮及為吏部尚書又晉封潁川郡公而歸老於南澗因自號南澗翁併以名集南澗者一在建安城南為鄭氏別業見本集詩序一在廣信溪南見書錄解題攷元吉宦於閩中家於江右似乎非建安之南澗當以廣信為是也元吉本文獻世家據其跋尹渢手蹟自稱門人則距程子僅再傳又與朱子最善嘗舉以自代其狀今載集中故其學問淵源頗為醇正其他詩文酬酢者如葉夢得張浚曾幾曾丰陳巖肖龔頤正章甫陳亮陸游趙蕃諸人皆當代

欽定四庫全書

南澗中乙稿
後集

三

勝流故文章矩矱亦具有師承其壻呂祖謙為世通儒其子名澆字仲子者亦清介自持以詩名於宋季蓋有由矣朱子語類云元谷詩做著者儘和平有中原之舊無南方啁晰之音誠定評也集本七十卷又自編其詞為焦尾集一卷文獻通考並著錄歲久散佚今從永樂大典所載總裒為詩賦六卷詞一卷文十五卷統觀全集詩體文格均有歐蘇之遺不在南宋諸人下而湮沒不傳殆不可解然沈晦數百年忽出於世炳然發翰墨之光豈非精神光采終有不可磨滅者故靈物稿詞得以復顯於今興乾隆四十九年十一月恭校上

總纂官 臣 紀昀 陸錫熊 孫士毅

總校官 臣 陸費墀

欽定四庫全書

南潤甲乙稿卷一

宋 韓元吉 撰

賦

萬象亭賦

有序字集中葉少保詩注云公在閩中作萬象亭其為之賦則此題應有亭字

原本脫去今據補

紹興十有三年石林先生自建康留鑰移帥長

樂惟公以文章道學伯天下推其緒餘見於政

欽定四庫全書

南潤甲乙稿

事時閩人歲饑餘盜且擾曾未易歲既懷且威

倉庫羨贏野無燧烟民飽而歌乃闕府治燕寢

後築臺建亭盡攬四山之勝字曰萬象公時以

宴閒臨之命賓客觴酒賦詩以紀一時之盛某

適以舊契之末獲拜公於庭知邦人之德公而

公之能與共樂也退而為之賦其詞曰

石林先生治閩之初邦人詠歌延覽眺臨城之阿面

長江之迴旋俯重嶠之嵯峨剪凡草于荆杞發層臺之

新基收攬宇宙以萬象而目之先生曰天地之內所謂

景與物者不可以既也方其交于吾前而其象無窮觸

于吾心而其意無窮惟達者可以道會而不可以知通

矣斯亭也處于戶庭重複之末而出於閭閻膠擾之中

危梯直上十尋倚空窺井邑之鱗次張九衢之飛塵翼

聲四起人烟續紛勵絲竹之餘響郁椒蘭之清芬當其

連山如環秀色四出林巒鬱其映帶烟雲度而髣髴陰

晴變態所獲非一極東南而凝睇莽游目于窮髮海波

欽定四庫全書

南潤甲乙稿

蕩漾蛟龍驚獠獠朝日之初升數山川於異域颶風角

於天際卷千帆之飄忽或一瞬而千里或窮年於咫尺

瞻雲鵬之獨運哀斤鷄之短翼天池倏其九萬羌決起

于蒿藟案莊子我決起而飛搶榆枋又云翔而蓬蒿之

間此運用其語而改蓬蒿為蒿藟致詩傳羊翥

蕭也郭璞曰今蒿藟也義與蓬蒿可通但藉是

九泰韻與上下句用陌錫通叶者不合疑有誤白鷗去

而西飛澹長烟之遠沒田疇俯見禾黍如績耕夫耦而
長謠牛羊散于砂磧餘霞被於林杪明月皎其東壁掛
北斗於欄楯瀉銀漢於堆堞披風露之冷爽想飛仙之

來接聽難大于雲中奏笙簧之激越嘆佳賞之奚盡雖
妙意其莫述惟吾興之所寓與彼物而所得故可以追
閨風之遊而謝華胥之國也客有閨而歎曰嗟嗟先生
百代之英玉堂金馬載蜚厥聲厥帝所之鈞天飲光芒

于一藩而餘風所被猶足以息潢池之盜而慶萬廩之
豐年矣今夫此邦之形勢最于八州總周垣其百里渺
澄澗而為溝三峰峙而鼎足蓋有類夫蓬萊與瀛洲自
無諸迄今千有餘載中更王氏窮侈自泰異時離宮別
館乘山瞰海而今之所存大則浮屠老氏之室小則公
卿大夫之廬鳴鐘相聞揮勝以居飛欄危榭往往而在
倚巖壑之幽清翳松檜其蔭藹雖一班之或見曾未若
斯亭之宏大碧油畫戟來藩此府往賢近臣蓋已百數
慨登臨之遺跡咸徧陋而無取獨先生至而有之舞山
光於簾幙馮地勢之襟帶雜支離之萬種爛錦幄其旆
旆薦醴醪于樽俎剝珍錯之螺貝發角微之清唱挽行
雲於天外使邦人聚觀白首驚拜豈吾先生浩然之氣

六合為隘蟠萬象于胸中耿星辰而不寐遇至美而一
發借佳名以自快而景物之來適際其會彼千古而莫
識信一時之有待者耶于是先生聞之輟然而笑衆賓
避席迭起為壽

拙蠶賦

士寅
年作

韓子晨起視牕中有物延緣投隙抵穿口如飛蛛足若
蟄蛭呼姬輩問之姬笑曰是拙蠶也絲疏而弗績食飽
而嗜眠亡所用旃戲置此焉韓子感而賦之曰翳樛櫟
之不材兮信能保其天年豈有用之則貴兮抑不用之
或偏吁造化者奚私兮蓋亦賦之自然惟桑蟲之何知
兮生蠶蠹而比肩資採摘而不自養兮甘鼎鑊之烹煎
大則施于紈綺兮細則麗為純綿雖曰衣被四海兮猶
為蟄蛭之所憐方衆巧之競驚兮萬族仰哺而爭先何
繭栗之弗為兮耻營軀而自纏匪畏死而遁逃兮將羽
化而飛翾宜婦姑指以為拙兮寔冥心于棄捐彼莊生
取喻於犧牛兮支離攘臂於兵間不能務悅於人兮殆

亦自全其天聖有抱璞而深藏今將有不爭于尚賢專撫檻而三數兮吾亦樂乎太玄

湘竹賦

余懷古而不見兮將弔舜于九疑望湘江之汪沅兮憚
寥裳而涉其涯款二女于叢祠兮履有翠篠而參差脫
枝幹之彌端兮淡握血之淋漓手欲觸而不敢兮心欲
置而復思故老諗余以前聞兮此皇英之淚痕帝遐征
而不復兮淚潺湲于竹根朝日暴而不滅兮嚴霜洗而

欽定四庫全書

前漢甲乙稿
卷一

五

不昏度淒風之蕭瑟兮如有餘哀之遠聞彼聖人其亡
欲兮豈暉孌而惑私雖聲者其抱情兮何一哀之至于
斯夜將寐而太息兮夢恍惚其見之委玉佩以弦琴兮
有美一人其頤顰青蛾而啓皓齒兮肅予前而致辭曰
吾父之至仁兮擇吾嬪于有虞惟虞之能繼帝兮功甚
巍而不居藝稷黍于艱難兮派百川而東駛制禮樂與
法度兮世蓋躋于極治憂勤終以損壽兮南巡五月其
未已乘白雲以逍遙兮無復帝車之可還憚予躬之至

弱兮撫予涕而長嘆考祖落而夫逝兮予之息又不令
天下其將安歸兮生民又安取正息既不任于養兮嗟
予死其孰瘞天既高而莫升兮地之厚其可入寔念此
以長號兮涕交隨而弗知滋草木以如雨兮與江水之爭
流惟此君其諒余兮舍余淡之莫收歷千祀而弗改兮
亦其節之素修彼昧者其騰口兮殆妃嬪之後先抑予
哭猶周于夜兮顧于此則豈然嗟神言之薄諄兮羌不
知其夢也且端拂以求諸神兮雖龜策其不覲也退而
告于君子兮咸舉以爲信也遂再拜而謝之兮吾將敬
而植此也

欽定四庫全書

前漢甲乙稿
卷一

六

辭

騷風辭

我家既遠兮莒水爲鄉中有騷風兮飛頰頰朱爲冠兮
黼爲裳五色炳兮耀文章音律呂兮韻宮商竹不實兮
梧則僵騷蓀葭兮飢稻梁虞舜作樂變在堂集阿閭兮
麗朝陽胡爲去我兮天一方友鳬鴈兮侶鶩鷯吁嗟鳳

今其來翔

五言古詩

遠遊十首

我行蓬萊巔
俯首見月窟
誰言滄海深
涉之不濡蹻
頽波驚魚龍
起舞相蕩滴
衆真爲一笑
黃霧生絳闕
獨乘風
中天蹻踏波
上日

東隅有神人
被髮兩目丹
手擎扶桑枝
騰光射乾坤
朱鳥爲前驅
火龍駕後軒
祝融不敢瞬
衡以千炎官
誓當

欽定四庫全書

南齊書卷一

七

掃霜霰九寓常不寒

露出九地底
化爲萬鼓鼙
豕首柄石斧
剗然四海馳
夔魃與罔象
辟除靡有遺
無私乃帝令
風雨多隨之
苟能仆夷伯
何忍兒女爲

紫皇宴瓊臺
鳳舞鸞且歌
翠鬟兩仙女
倚歌奏雲和
秀色炯雙壁
晴雲灑秋波
曲終願我笑
奈此人間何
贈以白玉環
綢繆期匪他

大鈞轉一氣
急穀無停轅
是非與生死
膠擾于其間
朝

昏互變滅倏忽千萬年
豈知達道人直作須臾觀
天地本無物置之奚足言

海水赴大壑
雷奔壑空虛
火輪煽金剛
蕩然爲尾闕
一闕復一闕
乾坤猶戶樞
萬生保靈根
至神守虛無
嘗以物所歸
返觀天地初

崑崙九萬里
磅礴天地根
其下有玄圃
茲惟衆仙門
翩然兩白鶴
道我前飛翻
問津牽牛星
濯足洪源河
九關幸方闢
乘之遊紫垣

欽定四庫全書

南齊書卷一

八

巨軸載厚地
沈沈惟九幽
日月所不燭
鬼神或拘囚
負臣與支祁
亦爲舜禹憂
覲彼世上兒
對面行奸偷
國章幸可脫
天刑此焉投

生死一大夢
夢覺誰當分
夢中既不了
雖覺何足云
天光發吾宇
澹然無朗暎
至樂不外假
至貴斯無文
求仙與學佛
舉世徒紛紛

呼吸爲陰陽
動靜乃天地
猶然一身間
至理無弗備
蒼龍駕白虎
晝夜分六氣
坎離會精神
石泰本仁義
吾師

不吾欺持以御一世

戊辰三月清明後三日見葉文于石林承命賦詩

作古風一首

案葉少蘊字夢得石林其居也少蘊為元祐前第故稱葉文原李作文謄

正今改

東風易陰晴一雨曉便止捨舟欣徐行鳥鵲聲為喜
崑石林谷蒼翠間紅紫文人厭調元玩意丘壑裏鄭公
化卿閭鄴侯盛圖史千載燈詞源一點詣真理霞裾月
中仙珠履天下士時從詩酒樂不負湖山美方瞳照玄

欽定四庫全書

南園甲乙稿
卷一

九

髮眉壽端自此緬懷西湖春荊棘迷故里兩髦看公遊
玉節旋屢弭風塵三十載碌碌類餘子晚登載欣堂營
款聞正始榆枋望天池奮迅思決起當謀白雲居敢援
赤松比臨流整遊觀三沐聊洗耳

子雲兄命賦祿隱

子牟居江湖而有魏闕心方朔待金馬與世相浮沉古
來曠達士豈必棲山林吾兄官湖南一室橫古今朝披
祝融高暮涉湘水深閒為漫郎飲戲效愚溪吟聖賢雖

云邈矣訓風所欽斗水幸見收西江等蹄落吁嗟咸陽

市敝帚希千金應攜忘言子一和無絃琴

題畫卷

少年喜登臨兩腳不憚軟夫節上雲山得酒輒三返一
從老將至所向意先懶豈惟心事乖要自腳力短不如
空齋坐此畫一舒卷超然函丈間意作千里遠漁舟已
遙遙茅屋更蕭散江干所遊應物色猶在眼浮生固幻
景況乃幻中幻低頭顧吾廬何如住山澗

欽定四庫全書

南園甲乙稿
卷一

梵隆大師乞詩隆能琴阮為鼓數行

扁舟望涵山一塔白雲裏東西互迎送日盡三十里下
有布金園軒牕面流水上人富願力物物畫經始莊嚴
萬人緣功就只彈指空齋了無事鳴琴對清泚游魚應
朱絃萬籟入流徽我來不忍去一聽賞幽耳雨餘新月
上雲物紛可喜莫作箕山吟秋風坐中起

逢人

逢人似相識初不辨名字折腰致寒暄但道久聯異歸

來省眉目鬢髭猶夢寐自非知心交君輩定難記將無
半面別正恐呼聲似中年況多忘錯認固無意典刑要
深思摸索豈難事尚怨睢陽公一見了奴隸

寒食前三日攜家至丁山

春事已過半豫懷風雨憂苦無親朋樂自攜兒女遊丁
山時城南老稚載一舟狹徑登詰曲軒牕居上頭遊觀
接去鳥俯視臨清流溪花正爛漫堤柳綠且柔香靄烟
雲間前瞻帝王州田野亂暴布山川莽相繆病妻不能

欽定四庫全書

卷一百一十五

十一

飲取酒自勸酬鮮妝誰家婦造席為我謳風光亦可醉
景物似見留惜無百金資買此林壑幽歲月實易得里
閭尚沈浮歸來暮鐘響頻風動滄洲

上巳日王仲宗趙德溫見過因招趙仲棋任卿小
集以流水故杯行分韻得行字

春事倏已晚飛花送啼鶯長安三月三水邊盡傾城緬
懷杜陵老感之見歌行青鳥忽飛去素鱗盤水精往事
誰復識夢繞白玉京竭來官閭陬江湖渺餘情嘉節閑

門臥客愁隨日生風光入樽酒使我嗟獨傾良友慰寂
寞惠然成會拜金枝三雋才千里未可程王郎烏衣舊
高論玉塵橫相逢寄觴詠樂此天氣清不知山陰會絕
唱晴能饜度隅有幽花發若萬玉櫻好風亦知人徹月
相與明蕭蕭城東路頗復吹聲景物正自佳天涯意
難平不須恨陳迹且用催詩成

上巳日與客遊張園

簿書有餘閒春日亦已永況逢佳節休朱墨得暫屏名

欽定四庫全書

卷一百一十五

十三

園跨江郊危檻俯千頃平蕪雨初勻弱柳風自整芳萼
寄蕭散意適忘醉醒持觴把花色散策步林影雖無歌
舞妍所愛亭館靜佳辰天氣清泉水助幽冷緬懷山陰
會脩竹帶紫巔應知佳客臨懷把均一勝君看結綺地
茨棘翳習井當時學踐人正復對此景江山幾興廢歲
月侵老境但願中聖賢晴能計鐘鼎

避暑靈泉分韻得水字

閒居亦無營歲月駸流水適聞新蟬鳴祥暑遽如此佳

哉二三友久要復鄰里憐我疾病除慰我懷抱喜居然
肯見顧來寂聊啓齒空山百無有翠阜映清汎幽泉俯
伴月盞盞真石髓坐久得清涼山餅還屢和一杯樂所
遇靜勝有其理誰能走懸箔諸門趣朝市矣歎不可觸
暑雨欣漸止幸有故人風相遇時洗耳

七夕與孟壻約湯朝美率徐行中遊鶴山

城市競時節幽尋固難同舊聞鶴山奇欲往歲屢窮茲
辰尚殘暑風駕乘西風焚俗候飛鶴階廈闌兒童誰能

欽定四庫全書

蘇東坡詩集卷之七

十一

事針樓覓巧瓜果中起攜東林交況得下榻翁青蒲有
際客放懷適相從一招雲中仙共呼潭底龍翠壁聲嶮
峯龜魚滄海空泉源幾萬斛石竇藏豐隆久知神物交
解致雲雨潦我田甚無多例思年較豐公才正類此時
至會有庸竹間小招提閒靜無鼓鐘枕石漱甘井荔丹
啓筠籠若據兩石羊摩挲古狄銅高竈劇霏屑壯氣吹
長虹可無樽酒綠遂使老顏紅醉語或不省嘯歌亦盡
容歸歟興難盡月明照風松

雪中以獨釣寒江雪分韻得獨字

常年待三白此語未免俗誰言歲將徂一雪自云足
魃與癘鬼不待巫荆逐初喜沒馬蹄還驚上牛目三日
雪不休冰漸被菲屨我貧固無事尚賦一囊粟長饑望
年登政恐麥不宿天公豈相撩讀以萬頃玉朝來一堪
煮茗枕薦新菊牕中有佳致一水臥寒綠城闌闌在眼
況復見巖谷相過二三子共喜醅甕熟狂歌且暫醉夜
半還秉燭猶勝杜陵翁山中掘黃獨

欽定四庫全書

蘇東坡詩集卷之七

十四

雪中從邢懷正乞酒

福具高柱頰風塵客長安長安不宜客歲暮仍苦寒夜
開陰風喧曉看雪漫漫天公非惡劇笑我貂裘單坐令
歌南山白石空巘屹正不妨我嘯憑高事遐觀四海同
一雲更覺天地寬平湖發遠景松竹如龍驚巉然兩峯
高玉峙峨環冠緬懷邢公子重城有家園水石帶林沼
幽亭厭雲端仙粧映疎梅秀色若可餐瓊題散冰筋晶
鹽貯牙盤清歌出絕唱筆間走波瀾幾欲泥君飲持杯

聽幽蘭君家碧琳腴到手無復殘正豈頂蓋兒尚能追
清歡蹇驢不敢出強作哦詩酸詩成不能寐起舞清夜
闌儻可致翅生當築白玉壇

自國清寺至石橋

出郭天驅氣陰車日亭午漫漫山中雲猶作衣上雨仙
山八百里勝槩隨步武稽首金地尊樓心玉京侶得空
方廣寺樓殿若可睹石梁瀉懸流下有老蛟怒我來淨
楚香千花發茶乳擬訪林下仙飛來但金羽

欽定四庫全書

巖泉道中

出郭心易清看山眼難飽踈疎水中梅殘雪相與好歲
華云已晚官況良自笑日暮城東門霜風動衰草

龍谿巖

丙寅
年作

蒼崖兩分張絕壁千丈起溪流忽奔注萬石相披靡跳
波作驚雷跬步清見底攀藤上巉巖卻立半空裏幾年
天師廟欄柱岌無址幽禽答遠響山花亂紅穠我來不
知疲危棧劣容辰同僚具壺觴脚軟正須此塵埃得遐

矚眞賞契心耳只應潭中龍見客亦驚喜

寒巖分韻得水字

青山如幽人不肯住城市客從城市來一見消吝鄙平
時與周旋況復非俗士我初見南山秀色紛可喜謂言
官塵埃洗滌端在此經時未一至引望若干里昨朝得
休暇佳興難自已秋原麗新晴景物為清美獨遊已不
惡更約二子初從澗壑危稍入巖石倚白雲隨杖藜
蒼烟生殷齒主翁亦好事結茆脩竹底庭空百無有屈
曲但流水客來了不問花草自紅紫豈無一樽酒欲飲
還遽止歸鞍不可遲吾亦聊洗耳

松江感懷

忽忽倦行役栖栖問窮途生涯能幾何所抱詩與書淒
涼吳淞路不到十載餘當年路傍柳早已陰扶疎繫舟
上高橋春水正滿湖鷗鳥如有情見人遠相呼曉豁目
為縱興長心特舒尚想張季鷹此焉賦歸歟生前與身
後底用論區區但當酌美酒一繪江中鱸

丁丑仲春將渡浙江從者請盤沙予畏而不許既登舟乘潮以濟中流膠馬捐千金募數力竟至沙上僅達西興狼狽殊甚從者笑之感而賦詩

桑田變東海此語聞自昔嗟我百年人耳目詎能識誰言錢塘江遂有車馬跡漲沙莽雲屯衣帶僅尋尺我初未渠信東轡俟潮汐是時月既望春晴好風色同舟二三子擊楫意頗適中流類坳堂竟作膠柱瑟寨寨亂濤波植杖負囊笈居然濯我足長堤慰行客西興忽在眼

欽定四庫全書

卷一

七

望靈山

嶽鎮古所錄茲山諒其遺憶從西江來恍惚欣見之初疑春雨晴雲物出怪奇稍稍對巖壁森森面嶺奇紛紜類障散漫如連帷磅礴千里間衆景皆奔馳頗訝地軸湧未覺天柱虧不讓崑崙高遂使泰華移諸峯七十

二磊砢略可推駢觀擁佛髻遠睇凝蛾眉大或覆鐘鼎細亦鉈刀錐石槽一何高梯天此為埤崩騰鐵馬羣中有大將折身居萬石貴氣壓累卵危雄傑亦莫狀清深亦餘安蛟螭護絕磴草木忘四時豈知水晶宮闕藏神所司陰崖彼何靈頭斷不敢悲

欽定四庫全書

卷一

十八

建安城南鄭氏居號南澗山水甚幽予始至欲遊率奪以事秋九月事少閒前二日折簡招客客半醉既命駕辭者復先在相與追逐詰曲由田中梁溪並山麓隘不可輿行二百步始得寒巖磴聲礫羊腸而上鉅竹生石間舉武疲曳休小亭至上方鵲戶明邃從疎林瞰遠山如綺疏中望通衢也西漸走水養魚植菖蒲石上纖巧可愛有僧履甚云山故銅冶也指其穴已纂纂火之跡亦猶在山半有巖隔小澗橋壞不可越門有水闌平田秋色稼穡彌望主人畏客戒勿置酒因取茶烹之求觀其圓三返僅得入則流觴亭初為坳沼亭中稍集亭

下水車輪轉別亭俯方池環植海棠少坐日已西
攜酒詣開元僧廬絕溪而南中流見城市水面平
直如大江舟街尾漿聲相上下意樂之集丹青閣
閣底巖桂盛開面之置樽俎將登陸羽亭憊不果
取泉試小春新芽舉白歡甚分韻賦詩明日又以
秋氣集南澗為韻自賦五首云

朱墨日過眼溪山誰復遊夜聞西風喧起看天地秋王
事有休沐駕言指林丘新晴鳥鳥樂路入南澗幽高峰
欽定四庫全書

南澗甲乙稿

十九

左右列野水縱橫流問舍苦不早采田亦良謀

高岳跨層巖一徑入蒼翠三休徹上頭卻立晚平地當
年寶藏興中夜出光氣至今石縫裂篝火尚能記盈虛
誰可測開闢神自秘空房有殘僧骨冷夜無寐

入山衣屨寒出山衣屨濕初迷烟雨來稍識雲氣集空
濛掠面過可玩不可執不知市廛地去此凡幾級青松
入長望白鳥伴危立冷然笑身世萬事何汲汲

有酒不得飲呼船過溪南溪南亦何好古寺依晴嵐上

有百尺樓下有千丈潭城闌一日盡晚山日相銜烹茶
弔陸子蠟屐登峴岫相逢作行樂猶勝空坐談
秋風何時來午暑忽已散娟娟木犀花弄藥亦璀璨清
香不自惜擁鼻得奇觀古來達道人至樂在山澗藝蘭
與種蕙採掇契幽願置此勿復言吾方困遊宦

李仲鎮懶窠

癸未
年作

我性天下懶自謂世莫雙鵠來官中都懶極濟以恣有
如千黑魚東西轉橋砦又如橐駝臥厭逐羣吠尤鼻渙
欽定四庫全書

南澗甲乙稿

五

任縱橫胞轉徙胙肝紛紛夸奪兒見我語訕哂平生李
公子老大同鄉邦奈何奪我有收歛付一臆作窠寓以
名異音乃同腔金馬可避世何殊虎門龐君看富貴塗
機危甚緣檀爭榮僅錙銖力欲九鼎扛金朱推舟較視
之亦瓊蠟愛君陽羨居有田種蘭莊溪山帶城郭松竹
環旌幢連娟幾脩眉清歌艷明釭客至即盡醉不待金
石擅尚餘詩語工詞源倒三江好懶得真懶使我心益
降何時半作分臨流聽琤琮

趙仲鎮標川

堂前面羣山堂下俯流水楊雄一區宅歲晚何在此將
無山水佳更爲風物美城隅三家渡華屋照清泚舉手
招樺仙低頭叫陸子前松後梧竹左桂右蘭芷江花漾
茶甌巖樹排柴几客來索無有樽酒間圖史不作隱士
廬合號君子里吾人天潢秀時至當決起飽餐南嶽芋
閒曳東郭履山名不負儂因之得名字彈冠可前卜問
舍真早計笑殺陶淵明酒資良未遂

欽定四庫全書

南園甲乙稿

題鄭舜舉蔗庵

吾州富佳山脩竹連峻嶺居然縛塵埃一見輒心醒豈
知刺史宅跬步闊清景古木盤城隅石徑幽且迥當年
徐常侍坐愛雲水冷溪南羣峰秀轟轟雖出穎鄭公閒
閣暇獨步毘廬頂曰此氣象殊道遠步方永喚客倒清
樽燃薰煮奇茗庭空無一事賓吏絕千請佳處由漸入
斯語頗記省調明嘗有語結廬向人境恍如白蓮社揮
塵對宗炳誰云忙裏閒要識動中靜我來款妙論散策

步林影心田豁羣茅氣馬罷征聘他時記棠陰老意亦
深青

朱元晦清滿亭

青山足佳遊遠睇欲無路稍尋絕澗入始辨雲間樹泉
聲若招客倚杖得夷步驚瀉瀉亂石激激有清趣風微
鳥哢幽日微魚影聚居然魚鳥樂正欠幽人住野僧豈
忘機作亭以茲故因君賦新詩我亦夢其處

題潘叔玠家遠觀亭

欽定四庫全書

南園甲乙稿

三

車塵蔽重城俯首但闌闌誰知遠觀亭自與空闊對青
山接簷檻白塔見雲外迢遙眼界淨妙處心境會平生
九垓期洗耳聽天籟一爲簿領縛局促無可奈安憑君
家欄曠若解鈴鈇躋攀得遐矚頓覺天宇大頓慚北山
移欲賦楚臺快泰然發天光開目了無礙

列岫亭用范伯升韻

自我來南溪池塘幾春草結茅依雲端愛此山回抱奇
峯七十二羅列景逾好豈殊謝公牕澄江更縈繞孤城